

## 10. gr.

Sveitarstjórn flokkar gjaldendur skv. gjaldskránni og eftir umfangi og magni úrgangs, sem frá starfsemi stafar.

### III. KAFLI Ýmis ákvæði.

## 11. gr.

Hafi íbúar fram að færa kvörtun vegna sorphirðu skal koma henni á framfæri við fulltrúa sveitarfélagsins eða Heilbrigðiseftirlit Suðurlands.

## 12. gr.

Með brot á samþykkt þessari skal farið samkvæmt ákvæðum laga um hollustuhætti og mengunarvarnir nr. 7/1998, með síðari breytingum.

## 13. gr.

Samþykkt þessi, sem samin er af heilbrigðisnefnd Suðurlands og hreppsnefnd Rangárvallahrepps og er sett samkvæmt ákvæðum 25. gr. laga um hollustuhætti og mengunarvarnir nr. 7/1998, með síðari breytingum og reglugerð um úrgang nr. 805/1999, tekur gildi við birtingu.

*Umhverfisstjórnuneytinu, 17. janúar 2002.*

F. h. r.

**Ingimar Sigurðsson.**

*Sigurbjörg Sæmundsdóttir.*

## SAMÞYKKT

### um hundahald í Rangárvallahreppi.

## 1. gr.

Hundahald er bannað í Rangárvallahreppi að undanteknum þarfahundum á lögbýlum og hundum sem notaðir eru til leitar og björgunarstarfa, svo og aðstoðarhundum blindra og fatlaðra.

## 2. gr.

Sveitarstjórn er heimilt að veita lögráða einstaklingum sem lögheimili eiga í sveitarfélaginu undanþágu frá 1. gr. til hundahalds með eftirfarandi skilyrðum og greiðslu leyfisgjalds:

- Hundar skulu skráðir á skrifstofu sveitarfélagsins sem afhendir gegn greiðslu leyfisgjalds númeraða plötu sem jafnan skal vera í ól um háls hvers hunds.
- Arlega skal sveitarsjóði greitt leyfisgjald fyrir þá hunda, sem undanþágan er veitt fyrir. Gjaldið skal ákveðið af sveitarstjórn, að fenginni umsögn heilbrigðisnefndar, með gjaldskrá í samræmi við ákvæði samþykktar þessarar og ákvæði laga nr. 7/1998 um hollustuhætti og mengunarvarnir. Sveitarstjórn skal láta birta gjaldskrána í B-deild Stjórnartíðinda. Við ákvörðun gjaldsins skal tekið mið af þeim kostnaði, sem leiðir af fram-

kvæmd þessarar samþykktar. Gjaldið skal í fyrsta sinn greitt við skráningu hunds og síðan árlega fyrirfram fyrir 28. febrúar ár hvert. Í gjaldskrá skal einnig ákveðið hand-sömunargjald. Undanþegnir leyfisgjaldi eru hundar sem notaðir eru við búrekstur á lögbýlum, hundar sem notaðir eru til leitar og björgunarstarfa svo og hundar sem að læknisráði eru notaðir til aðstoðar blindu fólki og fötluðu. Hafi gjaldið ekki verið greitt innan eins mánaðadar frá eindaga, er heimilt að afturkalla leyfið, svo og ef hreinsun hunda er ekki framkvæmd eftir settum reglum. Sveitarsjóði er heimilt að innheimta dráttarvexti og innheimtukostnað sem hljótast kann af vanskilum á leyfisgjaldi.

- c) Rangárvallahreppur ábyrgðartryggir alla skráða hunda sem greitt er leyfisgjald af. Þeir hundaeigendur sem undanþegnir eru leyfisgjaldi samkvæmt f-lið þessarar greinar, ábyrgðartryggja hunda sína hjá viðurkenndu tryggingarfélagi sjálfir og greiða sveitar-sjóði útlagðan kostnað vegna hundahreinsunar. Við hundahreinsun skulu hundaeigendur sem falla undir f-lið leggja fram kvittun frá tryggingarfélagi sínu, sem staðfestir að ábyrgðartrygging sé í fullu gildi.
- d) Hundar skulu aldrei ganga lausir á almannafæri. Utandyra skulu hundar ávallt vera í taumi í fylgd með aðila, sem hefur fullt vald yfir þeim. Hundaeigandi skal gæta þess að hundur hans valdi ekki hættu, raski ekki ró manna eða verði mönnum til óþæginda á neinn annan hátt. Skilyrði fyrir hundahaldi í sambýlishúsum, er að allir umráðamenn íbúða samþykki það auk eiganda viðkomandi húsnaðis og skal leggja fram skriflega staðfestingu þar um við skráningu hundsins. Þá er hundaeigendum eða umráðamönnum hunda alltaf skylt að fjarlægja saur eftir hundinn. Eigi er leyfilegt að hafa með sér hunda þó í taumi séu inn í opinberar stofnanir, skólahús, matvöruverslanir eða aðra þá staði sem um ræðir í III. – V. kafla og VII. – XV. kafla heilbrigðisreglugerðar nr. 149/1990 með síðari breytingum. Slíkir staðir eru m.a. eftirfarandi:
1. Vatnsveitur, vatnsból og verndarsvæði þeirra og brunnar.
  2. Almennings- og útisalerni.
  3. Hvers konar sorpgeymslur og sorpförgunarstaðir.
  4. Gististaðir, veitingastaðir og matsölustaðir.
  5. Tjald- og hjólhýsasvæði, nema umsjónaraðili hafi sérstaklega veitt leyfi til þess að hundar séu á svæðinu og skal í því tilfelli tryggt, að öllum gestum viðkomandi svæðis sé kunnugt um leyfið.
  6. Húsakynni þar sem geymd eru, framleidd eða seld matvæli.
  7. Skólar, kennslustaðir, barnaheimili og gæsluvellir.
  8. Rakarastofur, hárgreiðslustofur, hvers konar snyrti- og sólbaðsstofur.
  9. Heilbrigðisstofnanir, hæli, heilsuræktar- og íþróttastöðvar og baðstaðir.
  10. Samkomuhús hvers konar og almennar skrifstofur.
  11. Kirkjugarðar, bálstofur, líkhús og líkgeymslur.
  12. Almenn samgöngutæki.
- e) Hundaeigendum ber að hlíta að öðru leyti lögum og reglum, er hundahald varðar, þ. á m. reglum um árlega hreinsun hunda og greiðslu leyfisgjalds, sbr. ákv. b-liðar þessarar greinar, svo og fyrirmælum sem heilbrigðisnefnd setur.
- f) Bændum á lögbýlum er heimilt að hafa þarfahunda án greiðslu leyfisgjalds. Hundar á lögbýlum mega ganga frjálssir á landareign eigenda sinna. Að öðru leyti skulu slíkir hundar háðir ákvæðum þessarar samþykktar. Skylt er bændum á lögbýlum og eigendum hunda sem nefndir eru í b-lið hér að framan að sjá til þess að hundar þeirra séu ekki lausir á almannafæri.

### 3. gr.

Fyrir hönd sveitarstjórnar annast eftirlitsmaður á hennar vegum framkvæmd og eftirlit með hundahaldi í sveitarfélaginu. Eftirlitsmaður getur leitað aðstoðar lögreglu, þegar

þörf krefur, en að öðru leyti starfar hann undir eftirliti og á ábyrgð heilbrigðisnefndar við eftirlit með hundahaldi í sveitarfélaginu.

## 4. gr.

Hundar frá öðrum sveitarfélögum sem ekki eru í fylgd með eigendum eða umráðamanni og eru ómerktir, svo og aðrir ómerktir flækingshundar skulu teknir úr umferð. Gefi eigandi sig ekki fram innan sjö sólarhringa hefur lögregla, í samráði við dýralækni, heimild til þess að lóga viðkomandi hundi að þeim tíma liðnum.

Merktir hundar á flækingi skulu einnig teknir úr umferð. Ef eigandi hunds vitjar hans eigi innan sjö sólarhringa og svarar ekki til saka um brot á samþykkt þessari, sé um slíkt að ræða, hefur lögregla, í samráði við dýralækni, heimild til að lóga hundinum að þeim tíma liðnum.

Hunda, sem ráðast á menn eða skepnur, skal fjarlægja og lóga í samráði við dýralækni.

Lögregla og heilbrigðisnefnd hafa eftirlit með hundum samkvæmt samþykkt þessari og skulu þessir aðilar tilkynna sveitarstjórn um kærur sem þeim berast vegna meintra brota á samþykktinni.

Sveitarstjórn er heimilt hvenær sem er að afturkalla leyfi fyrir einstökum hundum eða öll veitt leyfi, telji hún þess þörf.

## 5. gr.

Framangreind samþykkt hreppsnefndar Rangárvallahrepps staðfestist hér með skv. 25. gr. laga nr. 7/1998, um hollustuhætti og heilbrigðiseftirlit, með síðari breytingum til þess að öðlast gildi þegar við birtingu.

*Umhverfisstjórnuneytinu, 17. janúar 2002.*

F. h. r.

**Ingimar Sigurðsson.**

*Sigurbjörg Sæmundsdóttir.*

## AUGLÝSING

### á deiliskipulagi fyrir frítímabyggð og þjónustuhús að Hörgslandi 1 í Skaftárhreppi.

Samkvæmt skipulags- og byggingarlögum nr. 73/1997 hefur sveitarstjórn Skaftárhrepps, þann 6. desember 2000, samþykkt deiliskipulag fyrir 13 frítímahús, ásamt þjónustuhúsi og tjaldstæði að Hörgslandi 1 í Skaftárhreppi með smávægilegri breytingu á afleggjara sem samþykkt var þann 9. janúar 2001.

Greinargerð og uppdráttur hafa hlotið þá meðferð sem skipulags- og byggingarlög mæla fyrir um. Deiliskipulagið öðlast þegar gildi.

*Kirkjubæjarklaustri, 14. janúar 2002.*

F.h. Skaftárhrepps,

**Benedikt Lárusson.**